

Avian (Dzhu) Gwits'ik: Fact Sheet #2

Dinju Srinalu ts'at Srugwandau Eenjit Ts'anuu Kat Gooveenjit

Leu kat Canada gwizhit zrit, Avian Flu hah gahahts'ik loo usrits'at gonlih kwaa. Guugaa zrit njin gwà'an daih gòo dats'an gòonlu gwatat t'agunch'uh ji' au avian influenza type A (H5N1) gòonlih ji', duulèh hah gahahts'ik nakhwetr'ahnuh.

Avian Flu gwinnu dàgwinnu?

Avian Influenza gyyàhnuu zrit nihts'an tr'ahtsu k'it t'idi'u, njin gwà'an dzhu gòonlu duulèh gootat heelyaa. Geetak hee dinju kat vah gahahts'ik dagòonch'uu gyyàhnuu.

Avian Influenza type A (H5N1)

Avian Influenza rype A (H5N1) au t'at ganinji'tr'adhat, jiduu t'at vik'it ihlak chuu choo gwidehtoh gwà'an juu t'idi'u:

- * kxanh ts'at gwanahshu dagòonch'uu;
- * dinju tat goodrihdok zhìt gwiyyaa'an gwizuu dagòonch'uu; akòo ts'at
- * duulèh izhu ts'ik gwàts'at t'aih oonju ts'at gwinnu't'aih gadaatsi.

Clinical Features

Adai' gwànoo zrit njin gwà'an au ts'ik gwinnu' t'at dluh k'it goovah dunch'uu (e.g. ts'ik nìdhaa, duyihdai' hah srah nu'ee, duxh'at tat srah nu'ee) dundee gwits'ik dilu, pneumonia, nehsrit tr'adazhak jiduu (ARDS) gyyàhnuu, duxh'at tthak duulèh an gwinaatth'at, lymphopenia, didhat zhìt izuu nadaatth'at, ts'at didaa' zhìt goghoo nagwidaadhat gwik'it gwahtsi.

Au Public Health Agency Kanada Eenjit kat t'at au srugwandau zeh kat nakhwak'andeh tr'ahnahyaa geenjit dinjugizhit. Duulèh au pneumonia k'it galts'ik gwat nits'oots'at chan gahgidandah kwaa. ARDS gtr'ahnuu zrit gòo didrihdok ts'ik nunt'au hah zrit gòo duulèh njin gwà'an au ts'ik gòonlih gwatat nagahdadał, drin ihlok gwijùutin dai' goo goghwooo nagahdadał dai' gwàts'at.

Dinju srinalu kat chan au juudin ju ts'ik hah alts'ik kat than' gwizhit nitr'ingchih geenjit dinjugidizhit, ejuch'u goots'an tr'ahtsu ts'at au Chief Medical Officer gyyàhnuu vits'at ginohkhu.

Tth'aih hee geenjit gavindandar' yinothhan ji':

Chief Medical Health Officer vaazhuu vits'at ginohkhu nekhwetr'ahnuu, (867) 920-8877.

Website gwakak gwinnu'u:

www.hltss.gov.nt.ca - NWT Department of Health and Social Services (Programs, Services kat gwizhit gwinnu'u)

<http://www.phac-aspc.gc.ca/h5n1/> - Public Health Agency of Canada.